

懷遠縣志卷之二十八

賜進士出身安徽鳳陽府懷遠縣知縣孫讓脩

序錄

明萬歷三十三年知縣事王存敬重脩懷遠縣志序曰邑之有志豈但以紀山川道里民物生殖已哉是文獻之所託也訓令之所生也國史之所爲具也懷遠舊志多畧斗南孫先生嫻於故典能爲訓辭邑之本末旣素所究心而文字又足以發之故其體裁具備而癸未之志稱彬彬焉今何以更脩也則從邑大夫明洲王侯之請亦時事之不可以已者於是先生

懷遠縣志卷之二十八

序錄

一

春秋八十矣而再屬筆非吾懷之盛事乎哉志凡若干卷首之以圖次之以凡例統之以綱領析之以條目繫之以論說其間據舊文而刪潤者十之五增新者十之三仍舊者十之二夫今之邑古之小國耳古者列國諸侯皆有史掌記時事所爲述於天子采於行人總於太史皆是物也祖宗德澤涵育垂二百餘年其太平醞釀之盛視昔宜何如乃人事變遷不無時異勢殊之感閭閻之苦樂不同趣政務之煩簡不同科風俗之隆污不同道先生有慨於中故再因志以見意焉苟可以訓有其詳之莫敢畧也將使覽斯

志者遇民隱而思恤念城守而思防觀風思以正俗
更化思以宜民爲臣思忠爲子思孝爲婦思節爲女
思貞文士思以華國武士思以捍邦貪夫思廉懦夫
思立其裨於一邑之訓令顧不鉅耶夫志邑之文也
老成耆舊邑之獻也先生以大耄之年不憚研精筆
削而上下百年間皆其耳目睹記之實所謂老成典
型不在茲乎俾吾懷因志益重而不蒙文獻不足之
誚則侯與先生之爲也侯名存敬汝之確山人先生
名秉陽邑之樂善鄉人光祿寺少卿邑人楊應聘撰
國朝雍正二年知縣事唐暄重脩懷遠縣志序曰

懷遠縣志卷之三

序錄

二

聖祖仁皇帝御極之三十五年纂脩皇輿一統志告
成頒行天下於是九州內外郡有郡志邑有邑志雖
邊隅荒徼莫不脩舉廢缺蔚有成書嘗思邑之有志
非取載山川物土而已生齒何以繁風俗何以厚文
教何以振興耕田鑿井何以安堵而不擾禮義廉節
忠孝之行何以可法而可傳凡撫綏之道教養之方
釐奸剔弊與夫鼓舞激勸之良法皆將於是乎在則
邑志一書實致治得失之鏡也而茲邑顧缺如焉是
誰之責與邑故有志前斗南孫先生所撰述百有餘
年其書已磨滅不可考自先生著書後歷萬歷至

國朝其間又卓卓多可紀未聞有後進之士繼斗南而起者也予自庚子受

簡命涖治茲土念邑乘之無徵遂有志脩輯顧以地瘠民貧獄訟煩擾汲汲未有寧日越三年邑中之大利大害已稍稍興革斯民亦漸安吾教而事日以就簡也乃謀之邑之紳士增脩舊志公餘之暇留心採訪綜今古而筆削之六閱月而事竣共成書八卷後之覽者考其山川如卧遊荆山淮水間而按戶口則知生齒之繁以庶也詢風問俗絃歌禮讓之遺意尙有存者學校立則文教宣盜賊弭則農民適廉隅謹

懷遠縣志卷之二十八

序錄

三

則四維張舉十百年來邑令之所以撫綏教養釐奸剔弊鼓舞激勸之成規班班具載不惟資學士大夫之觀覽而於長民致治之道多裨益焉嗚呼國史提其綱郡志標其目詳畧之體異也夫國史之所不及載郡志載之郡志所不能詳邑乘詳之則懷遠志之作未必不可備纂脩皇輿之採擇也是爲序雍正甲辰季春鄉進士文林郎知懷遠縣事湘源唐暄撰又序曰懷邑舊志自萬歷中鄉前哲斗南孫先生纂輯後缺焉未備者百餘年矣鄉人士屢議增脩前任馬劉諸公亦有志編刻而皆未就庚子春粵西唐公

以海內名宿治懷越三載仁恩旣洽博採輿論網羅
舊聞秉虛衷而增脩之標其綱綴其目刪其繁增其
簡覽其山川建置如見公保障之功焉催科不擾生
物蕃庶公撫字之德于是乎著百餘年來人文節義
無美不錄其公與人爲善廣敷教化之心乎然則是
書也志懷卽志公也豈特

國家恩澤百年教養兼隆之實可披閱而得之異日
登之輜軒垂諸奕禩備千百載文獻之遺使後之覽
者思疆土之何以守民隱之何以恤風俗之何以宜
人心之何以正治何以盛化何以隆皆于是乎知之

懷遠縣志卷之三

序錄

四

是前賢所欲成而未成者賴公以成也

賜進士出身誥授中憲大夫原任吏部稽勲司郎中
邑人宮建章撰

嘉慶二十三年知縣事孫讓重脩懷遠縣志成序曰
懷遠之志明萬歷三十三年知縣王存敬屬邑人副
使孫秉陽重脩之而萬歷以前無可考楊應聘序稱
孫前作癸未志至是而再屬筆焉舊志亦云萬歷癸
未秉陽纂脩邑志至己巳

當作乙巳萬歷三十三年也存敬以三十年任

七年去中復加刪潤成書蓋癸未至己巳二十三年
無己巳經再訂而始槩板也

國朝順治康熙間知縣傅鎮國馬汝驩劉鑑皆續脩
未成至雍正二年知縣唐暄始脩成爲八卷曰地輿
曰建置曰秩官曰典禮曰籍稅曰人物曰藝文曰襍
記而圖地輿一官治一學宮一寇之卷首夫以百二
十年之久屢脩未成之書一旦而有彙本使百里之
內戶籍賦稅有可稽省政治民俗有可覽鏡忠孝貞
烈之行有可風勸功固甚偉然其地輿則志沿革而
不詳列前史以明建置所因之故志山川而不尋其
絡脉上考水經諸書以證今昔之同異志湖塘堰壩
澗泉溝澮而不辨其水利以策因時便民之政志古

懷遠縣志卷之三

序錄

五

蹟而不備考城戍之區俾古疆理按籍而皆可論證
猶弗志也其人物則志桓氏而不考諸漢晉諸書志
勲烈而不盡稽諸明代之典要且缺畧過甚其藝文
則雜采碑銘傳狀序記之各宜附著本事者與詩賦
同科而載籍闕如夫自明三百年以至

國朝文儒甲科不一二數而別集目錄皆放失無存
今且不可追紀非前此蒐羅之未逮歟營建祠祭倉
儲學校兵防選舉封蔭良吏皆宜分別類叙者也乃
并入建置典禮人物而人物一類標目太繁雜記所
載亦多可類附諸志者稽諸史乘者不覈訪諸故老

者不詳至輿地一圖山川溝洫形勢所在道里不可不著乃苟簡特甚此其所失也讓以嘉慶十九年夏來司是邦甫任事卽索觀舊志旣知其得失欲重輯之蓋輟脩已九十年知府事建水倪公垂意方志嘗以命讓讓因與教諭孫君起爨言之時適奉大府檄脩郡縣志而當河決後淮流漲溢縣境無歲不大水勘災賑饑簿書旁午猝猝靡暇者數年至二十二年春乃克與縣中賢士大夫籌之幸無不踴躍樂觀其成者而前庶常知鳳臺縣事武進李君兆洛適來主講縣之真儒書院因質以編纂事李君令鳳臺時作

懷遠縣志卷之六

序錄

六

鳳臺志以精覈見稱而鳳臺由壽州分出於治爲簡志懷遠事宜詳於鳳臺者數倍爰共商榷本其體例恢而廣之條貫畧定纂輯過半矣其冬李君以事去代者爲明經武進董君士錫復與董君續加蒐討至二十三年七月書成因乎舊志者十之八刪其繁蕪不當者十之二增於其舊者三倍遂以就正於倪公桀諸木焉夫懷遠設縣近自宋元而漢晉隋唐建置改更分析極頻數南北朝及宋南渡後皆爲邊境是故沿革最不一分野雜荆揚二州經界跨淮南北地高者宜黍下者宜稌而土宜又不一界蒙城宿靈璧

鳳陽定遠壽鳳臺之間民氣之剛悍輕剽往往襍似乎他邑而風俗又不一縣於安徽布政使司不當車馬之衝不設驛故不爲最繁然四境遼濶民積病于水偶雨暘愆期若重困者方諸望緊之邑抑又難焉讓以承乏尹茲劇區惟懼失墜冀時物豐阜民業其業平其情相與休息習而安焉夫質樸勁直愛其長上縣之舊俗也自今始復能優游乎文藝之林咸導其情以適乎禮鄉士大夫率之以被及於四陬不亦善乎周官土訓道地圖地慝誦訓道方志方慝蓋謂知其土宜風俗善惡之故以興美而備敗達其好惡

懷遠縣志卷之三

序錄

七

之情以入于無疵也可不與賢士大夫共勗之哉故於地圖道里慎其采訪而山川溝洫津渡橋梁物產必加詳焉因革故事必加考焉士之有德行文學女之有節操者必加博載焉文獻不足因而闕之庶幾所以傳信後之覽者或亦有取乎此耳凡爲志十記二考一表三傳七圖一序錄一二十有八篇

四至辨而垂離正都崙析而閭里聯是以官守於土而民守於官也峩峩龠山莫邪衛之湯湯大淮渦淝會之孰是鎮之孰是潤之述地域志弟一
丁田民屯

國帑正供轉漕東南

天庾是充爲解爲支率循成制課鹽權關因民所利
土宜繁殖各釐以類述賦稅志弟二

庠序之教隆而名臣賢士孝子貞婦之行作焉書院
之設所以輔學校而損過就中增美釋回者莫講習
若也維勸學繫先覺述學校志弟三

禮莫重乎祭祀事有常苾芬其饗諸歆茲民德勗茲
民之稼穡述祠祀志弟四

神武不殺而備不可弛詰戎閑衛乃齊乃止於千萬
年治安上理述兵防志弟五

懷遠縣志卷之三十八

序錄

八

府事孔脩

聖化覃敷備豫徧災謹茲倉儲

皇仁蕩蕩蠲復頻書凡百君子靖共爾位哀此惇獨
勤其撫字述倉儲志弟六

荆山巖巖依之如城孰則宜飭官寺郵亭圯墁以時
吏民以寧津則有舟川則有梁車徒是濟惟安惟康
述營建志弟七

隄堰之興以稼下地淮塹沮洳瀦可漑淤可藝弗云
棄也脩而舉之曰察其宜曰勿違其時述水利志弟
八

襍祥災異君子不言而水旱疾苦民隱在焉記載所
弗刪也述五行志弟九

太常稽古爲學士羽儀迄乎有明載籍紛披蒐採壹
曠千年闕遺後有作者彙而錄之述藝文志弟十

漢建侯國當塗曲陽平阿義成向及龍亢晉屬馬頭
梁隸譙汴唐析四境入於旁縣宋末置軍元明用因
述建置沿革記弟十一

萬國玉帛塗山是會征戰侵伐戎事之大汎覽前史
識其梗槩述歷代大事記弟十二

郡邑棊置一廢一興六代列戍乃數十城孰真孰僞

懷遠縣志卷之三十六

序錄

九

壘址縱橫述古城戍考弟十三

令長侯相鎮將戍主漢晉梁魏缺不可譜元明以來
乃備縣尹丞簿焉校官候人亦差得舉數述職官表
弟十四

文武甲科辟舉貢士登髦翼俊代濟厥美良將名臣
時焉蔚起述選舉表弟十五

師臣分茅遠矣春卿武功崛起懿惟開平東平赴赴
平陰矯矯父勲子忠長世斯保李柳壯畧榮名亦寶
裕後顯親上下推恩述世襲封蔭表弟十六

龍亢桓世傳經作帝師尊五更晉元子遂披猖冲守

貞元以亡述桓氏傳第十七

子通輔魏卒躋三公明多勲威起於從龍默齋忠貞
恭定廉正諸楊接武闕闕斯盛

聖清作人樸樵菘菁中丞總戎爲

國幹楨述史冊英賢傳弟十八弟十九

孝友睦婣任卹士行之最良蓋不可以弗彰政事文
學之妙貞介之操而未見乎史籍之表襮者又烏容
畧也述耆舊傳弟二十弟二十一

賢孝貞順惟曰女士塗山氏啟之桓氏似之有以哉
或矢其愚以自立介乎其彌不可及述列女傳弟二

懷遠縣志卷之二十八

序錄

十

十二弟二十三

醫卜巫皆術而已研之而精曰恒曰一爰及神異是
爲方技述方技傳弟二十四

繫駒適館所以安賓旅也擇里而處以令聞長世君
子交許之述流寓傳弟二十五

爲吏而良臣職固宜職則未稱厥咎安辭前哲所爲
敬而志之先事之勞後事之師述良吏傳弟二十六
名山崇崇作鎮淮邦經流十二相維而東四達者途
五經五緯惟里有長區以百二千擷相聞弗聞鳴吠
規方畫疆瞭若掌示述縣境諸圖弟二十七

在昔王君始著邑乘惟孫副使再經刪定百二十載
唐君繼之別帙爲八燦然前規迄茲重脩歲紀九十
伊余固陋每懷靡及

聖皇立極羣稟

成憲

道纘執中方悅

吹萬小臣不敏職思官常勤求民瘼曷敢怠遑述序
錄弟二十八



廩生王文勳校字